

類

焦

類雋卷第七

勾吳虛舟鄭若庸纂輯

山東按察司副使古虞百樓鍾 穀

同校閱

戶部陝西司主事西蜀少川王用楨

戶部福建司主事古粵礪山鍾 昌

工部營繕司員外四明夢韓張大器

同閱

臨清州知州古完呂珩 校正

太學生汪珙校梓

地理類

洛

豫山

周禮云豫州其川洛

三川

周官云豫州其

川滎洛與伊瀍二水爲三川

洛原

水經云洛水

出京兆上洛縣冢領山經上洛弘農河南盧氏

蠡城陽市宜陽洛陽合伊瀍穀澗之水至鞏縣

而入河又山海經云洛水出洛西山東北注河

入城皋西

出書

易云河出圖洛出書聖人則之

泱泱

詩云瞻彼洛矣維水泱泱

洛維

典畧云洛

字或作維初漢火行忌水故洛去水而加佳魏

爲土行土水之母水得土而流土得水而柔故

去佳加水又春秋說題云洛繹也言水繹繹光

耀也

冊書

淮南子云古者至德之運珠玉潤澤

洛出冊書河出錄圖

龍見

軋鑒度云帝王始興

將起河洛龍見皆察其首黑者人正白者地正

赤者天

新邑

書云周公初基作新大邑於東國

洛作誥

書云周公往營成周作洛誥我乃卜澗

水東澠水西惟洛食我又卜澠水東亦惟洛食

仵來以圖及猷卜

爲波

爾雅云漢爲潛洛爲波

赤文

尚書中候云堯率群臣東沉璧于洛退候

至于下積赤光起玄龜負書出赤文成字宋均

注曰積讀曰側德應乾鑿度云帝盛德之應洛

水先溫九日乃寒五日變為五色玄黃藻王山

海經云秦冑之山洛水出焉東派注于河其中

有藻王錫疇書云天乃錫禹洪範九疇注疇類

也天與禹洛出書神龜負文而出背有數至于

九禹遂因而第之以成九類通洛書云導洛自

熊耳東北會于澗潁國語云靈王二十二

年穀洛龍鬬將毀宮室王欲壅之太子鳳集所

宋書云黃帝生於元扈洛水之土有鳳凰集邛
圖置帝前圖以黃金爲匣**獲瑞**帝王世紀云湯
時有神索白狼入殷朝者乃東觀沉璧于洛獲
黃魚黑玉之瑞於是始受命稱王**定鼎**帝王世
紀云武王伐紂營洛邑而定鼎焉今洛陽西南
洛水之北有鼎中觀是也**太王**帝王世紀云昭
靈后名含始游於洛池有玉雞啣赤珠刻曰王
英吞此者王含始吞之生漢祖劉季**川震**史記
云周幽王二年西周三川皆震伯陽甫曰昔伊

洛竭而夏亡今周德若二代之季山崩川竭亡之徵也

鍾隱

孫鼎宋書云高祖平關洛致鍾隱

舊器南還一大鍾墜洛水

西征

後漢書云李膺

與郭林宗泛舟洛水望之者以爲仙舟

宓妃

曹

子建云余從京師言歸東藩北過伊闕越轅轅經通谷凌景山容與陽林流盼洛川覩一艷人于巖之畔乃援御者而告之曰彼何人斯若斯之艷也御者對曰臣聞河洛之神名宓妃君王所見無乃是乎

雲華

江淹云今聖曆欽名天下

樂業青雲浮洛榮光塞河

瑤溪

牛鳳及云八神

扶王輦六羽警瑤溪戒道伊川北通旌澗水西

御圖開浴園刻石與天齊瑞日波中上仙禽霧

裏低微臣矯弱翻扑舞接鸞鷟

仙棹

薛昶云禁

園紆睂覽仙棹叶時游洛北風花樹江南彩畫

舟芳生蘭蕙草春入鳳皇樓與盡離懷暮煙光

起夕派

驅馬

上官儀云脉脉廣川流驅馬歷常

州鵲飛山月曉蟬噪野風秋

持竿

韓昌黎云持

竿洛水側孤坐屢窮辰

碧簫

劉禹錫云清洛水

光鋪碧簾上陽宮葉剪紅綃

漢

荆川

周禮云正南曰荆山其川江漢漢楚水也

漢源

水經山海經注云漢水出嶓冢山初名漾

水東流至武都沮縣始爲漢水東流至葭萌與
羌水合至江夏安陸縣名沔水故有漢沔之名
即周昭王溺于此處又東至音陵合滄浪之水
即屈原遇漁父處又東過三澨水觸大別山南
而入江

廣漢

庾仲雍漢水記云漢水出廣漢漾

水出焉東流至武都而與漢水合沔水出武都沮縣亦與漢水相合

蟠冢

書云蟠冢導漾東流

爲漢

漢中

孔安國云泉水出山爲漾水東南流

爲沔水至漢中東行爲漢水又東爲滄浪之水過三澨至于大別南入于江東匯澤爲彭蠡東爲北江入于海是也

朝海

尚書云江漢朝宗於

海又詩云沔彼流水朝宗于海

爲池

左傳云屈

完謂齊桓公曰楚國方城以爲城漢水以爲池

葦杭

毛詩云淮謂漢廣一葦杭之言至近而易

渡也

二別

左傳云吳師伐郢楚子當濟漢而陣

自小別至于大別杜釋地曰二別近漢山名龍

泉

又云漢水經西城縣故城南又東爲龍泉泉

上有胡鼻山石類胡人鼻故也下臨龍井清泉

深數丈

閬江

鄭玄云漢與江閬轉東成澤

含珠

盛弘之荊州記云荊蘊王以潤其區漢含珠而

清其域

游女

毛詩云南有喬木不可休息漢有

游女不可求思

亡劍

酈道元云襄陽故城北枕

沔水黃張公遇害亡劍于此

墜池

酈元水經注

云漢水過西城縣東經鰲池**遇兄**紀年云周昭

王十六年伐楚荆步漢遇大兄**青楚**左傳云齊

桓公合諸侯之師盟于召陵責楚之苞茅不入

問昭王南征之而不復楚使屈完對曰貢之不

入寡君之罪也昭王南征之不復君其問諸水

濱按昭王南征至漢舟人膠其舟王遂溺死**潛**

璽蜀志云少府王謀等上言前襄陽男子張嘉

王休獻王璽璽潛漢水於深瀟暉景燭曜璽光

徹天**截蛟**盛弘之荊州記云沔水隈潭極深先

有蛟爲害鄧避爲襄陽太守拔劍入水蛟繞其
足遐自揮劍截蛟數段流血丹水勇冠當時於
後遂無蛟患

解珮

韓詩外傳云鄭交甫過漢皋

遇二女服珮兩珠交甫與言曰願請子珮二女
解珮與交甫懷之去十步探之亡矣

出鍾

孫巖

宋書云漢中城固縣漢水岸際有異聲如雷俄
頃岸崩有銅鍾十二出自潛壞體制旣精扣之

清響

英靈

北史謝舉傳云舉爲僕射柳遼與語

甚嘉之顧謂人曰江漢英靈見於此矣

築堤

唐

書云盧鈞會同中漢水害襄陽拜鈞爲山南東
道節度使鈞築堤六十步以障漢**遏湍**唐書云
張柬之授襄州刺史會漢水張韜城東之因壘
爲隄以遏湍怒**沉碑**臆道元云沔水東經萬山
北山下有澤中有杜元凱作兩碑並述已功一
碑在峴山一碑沉此潭中千載之後何知不深
谷爲陵乎**弄珠**張衡南都賦云耕父楊光於清
冷之泉游女弄珠於漢皋之曲**隱王**左思云沔
漢湯湯驚浪雷奔或藏蛟螭或隱壁玉**配天**蔡

邕云大川之浩浩兮洪流森以玄清配名位乎
天漢兮披厚土而載形發源自乎嶧冢引漾澧
而東征納湯谷之所吐兮蕪漢沔之殊名揔猷
潛之群液演西土之陰精過方山以左迴兮旋
襄陽而南縈切大別之東山兮與湘江乎通靈
橫川庾肩吾云桂棹架棠艫飄揚橫大川映巖
沉水底激浪起雲遙迴岸高花發春塘紅草懸
陪歌承睿賞接醴侍恩筵誰云李與郭獨得似
神仙**含星**李百藥云東流旣泝泝南紀信滔滔

水激沉碑岸波駭弄珠臯含星映淺石浮蓋下
奔濤容心既多緒長歌且代勞**積水**宋之問云
漢廣不分天舟移杳若仙林虹映晚日江鶴弄
晴煙積水浮冠蓋搖風送管絃嬉游不可極留
恨此山川

涇

雍川

周禮云雍州其川涇汭

涇原

辛氏三秦記

及山海經注云涇水出安定朝郡縣西并頭山
淮南子云涇水出薄洛山又高誘注云薄洛山

一名開頭山東南經新平扶風至京兆高陵縣而入渭與渭水合流三百里清濁不相雜東合漆沮水至潼津入于河又書云導渭自鳥鼠同穴又東會于涇又云涇屬渭汭並是也又劉澄之交州記云龍編縣有高山涇水所出今交州也**歷峽**酈道元云涇水東流歷峽謂之涇峽**薄洛**淮南子云碯山崩而薄洛之水涸高誘注曰碯山在雍薄洛涇水也**涇舟**詩云涇彼涇舟烝徒揖揖注涇舟行貌涇水之中舟行者衆**入水**

關中記云涇與渭洛爲關中三川與渭壩涇潏
涇澧潏爲關中八水**望夷**鄠道元云涇水經望
夷宮北臨涇水以望北夷秦二世將祠涇沆四
白馬於涇齊於此宮內**毒沉**左傳云晉侯伐秦
帥諸侯之師濟涇而攻秦秦人毒涇上泝師人
多死**夢虎**史記云秦二世夢白虎齧其左驂殺
之卜涇水爲祟二世乃齊望夷宮以祠涇**造舟**
薛瑩後漢書云章帝北巡下長平御池陽宮東
至高陵造舟至于涇而還**岸壘**漢書云漢成帝

河平四年長陵臨涇岸積壅涇水

屬汭

徐珩云

導源經隴阪屬汭貫羸都下瀨波恒急迴圻溜

亦紆毒流秦卒斃泥糞漢田腴獨有迷津客懷

歸漸暮途

宗秦

韋挺云決渠濁流屬渭清津流

亦毒晉靈嘗崇秦

琴高

李白云涇川三百里若

耶羞見之上有琴高木下有陵陽祠

富流

李庚

云其地勢也帶涇渭之富流

濁涇

柳子厚云秦

有水掎汭泥漳撓混沙礫乃合清渭自彰穢跡

故名曰濁涇

渭

雍浸

周官云雍州其浸渭洛

流行

春秋說題云

渭之爲言布也渭渭流行貌

渭原

水經及山海

經注云渭水出隴西首陽縣鳥鼠同穴山東北

過狄道縣南上邽縣北陳倉縣南武功縣北槐

里縣南與澇澧二水合東至高陵與涇水合又

與漆沮水合經秦漢之都至潼津而入河也又

尚書云導渭自鳥鼠同穴東會于澧又東會于

涇又東過漆沮入于河

漆沮

關中記云渭與涇

洛一名漆沮水一名洛水出馮翊爲關中三川

周幽王時三川震是也**清渭**郭子儀云秦雍州

背負清渭濁河之固**渭濁**詩云涇以渭濁湜湜

其汜**地幹**河圖云鳥鼠同穴山地之幹也渭水

出其中**蜃氣**雜兵書云東海出氣如蜃渭水出

氣如蜃爲梁詩云文王初載天作之合在洛之

陽於渭之涘文定厥祥親迎於渭造舟爲梁**送**

舅詩云我送舅氏曰至渭陽何以贈之路車乘

黃**瑞異**漢書云昔三代居三河而河洛出圖書

秦居渭陽而水數赤瑞異應德之効也**龍飲**辛氏三秦記云龍首山長六十里頭入渭水尾達樊川高二十丈云昔有黑龍從南山出飲渭水其行道因成土山**得祠**沈約宋書云秦漢都西京涇渭水雖不在祀典以近咸陽故盡得此六州之祠**象漢**三輔黃圖云始皇都咸陽因北陵營殿端門四達以則紫宮象帝居渭水貫都以象天漢**二都**三輔舊事云初秦都渭北渭南作長樂宮橋通二宮間表河以爲秦東門表汧以

爲秦西門二門相去八百里渭水貫都以象天
河橋橫南渡以象牽牛漢都渭南開北闕以臨
渭渭北則陵廟所在**非熊**史記云太公釣渭西
伯將獵卜曰所獲非龍非螭非熊非羆合得霸
王之輔於是西伯果遇太公於渭之陽與語大
悅又徐幹云文王遇太公若祛雲見日也**長乳**
益都耆舊傳云漢武帝時蜀張寬爲侍中從祀
甘泉回見女子浴於渭水乳長七尺帝遣問之
女曰第七車中客知我時寬在第七車對曰天

上長乳星祭祀不潔則見**投錢**三輔決錄云安

陵清者有項仲仙飲馬渭水每投三錢**阿房**史

記云秦始皇復道向阿房宮渡渭屬之咸陽以

象天極閣道絕漢抵營室也**馬驚**史記云張釋

之爲廷尉漢文帝出中渭橋有一人從橋下走

出衆與馬驚使騎捕屬廷尉廷尉奏此人犯蹕

當罰金**通井**酉陽雜俎云景公寺前街中舊有

巨井俗呼爲八角井元和初有公主夏中過百

姓方汲令從婢以銀笏挽就井水悞墜梳經月

餘渭河

立廟

史記云漢文帝十五年趙人新垣

平以望氣見因說上設立渭陽五帝廟欲出周

鼎云常有玉英見

得璽

王景暉南燕書云姚秦

皇初三年歲在丁酉於長安渭濱得赤璽上有

文字曰天命燕德

抱鬣

唐史云安祿山反王師

敗績僕固懷恩至渭水無舟抱馬鬣以逸

樂漁

唐百官志云渭河三百里內漁釣者五坊捕治

之

大蛙

唐志云神龍中渭水有蛙大如鼎里人

聚觀數日而失

運石

宇文邕云渭源奔鳥穴輕

瀾起客亭淺淺湍湍響蕩蕩竟川鳴湍生稱運
石馮子聽波聲斜去臨天半橫來對始平合派
應不雜方知情本清**落帆**庾信云樹似新亭岸
沙如龍虎灣猶言命暝浦應有落帆還**澄岸**隋
煬帝云西征乃屈此山路亦悠悠地幹紀靈異
同穴吐洪流濫觴何足擬浮槎難可儔驚波鳴
澗石澄岸瀉巖樓焰焰下狄縣森森肆神州長
林嘯台獸雲逕想青牛風歸花葉散日舉烟霧
收直爲求人隱非窮轍迹遊**剖璜**柳顧言云飲

馬投錢岸鮮釣剖璜津**陪賞**李又云園中花柳
暮春時元已陪遊樂在茲此日欣逢臨渭賞昔
年空道濟汾詞**錦流**徐彥伯云晴風麗日滿芳
洲柳色春筵被錦流皆言侍蹕璜溪譙暫似乘
槎天漢游

湖

巨都楊泉云受三方之灌溉爲百川之巨都追
朝水而往還通蓬萊與瀛洲**大陂**說文云湖大
陂也揚州浸有五湖水澤所仰以溉灌也**揚浸**

周官云楊州其浸五湖**五湖**張勃吳錄云五湖者太湖之別名以其周行五百餘里故以五湖爲名又虞翻云太湖有五道別謂之五湖或云太湖射瀆湖上湖洮湖又名長塘湖在宜興滬湖爲五湖按國語吳越戰於五湖直在笠澤一湖中戰耳則知或說非也**笠澤**楊州記云太湖一名震澤一名笠澤一名洞庭**洞庭**史記云三苗之國左洞庭右彭蠡裴駰注云今太湖中苞山有石穴其深洞無知其極者名洞庭洞庭對

彭蠡則知此穴之名通呼洞庭彭蠡即宮亭湖名也

宮亭

荊州記云宮亭即彭蠡澤也謂之彭

澤湖一名匯澤青草湖一名洞庭湖又名因青

草山爲名洞庭亦謂之太湖在巴陵郡又云雲

夢澤一名巴丘湖

芍陂

劉澄之豫州記云陳縣

北有芍陂湖魏將王陵與吳將張休交戰處

昭

湖

吳越春秋云海鹽縣淪爲昭湖徙居武原鄉

故越地也

湖名

水經及地理志云居巢縣有巢

湖楊泉湖吳郡有臨平湖女墳湖鄱縣有萬金

湖山陰有鏡湖迴踵湖蘭湖華湖魚湖山陰湖
溧陽有長塘湖阜陵有麻湖建鄴有後湖一名
玄武湖蔣陵湖高湖潯陽有招湖無湖有射瀆
湖尸湖小湖耆湖乘湖猶湖招湖譙湖雍湖昆
湖招湖江東有涌湖郢城有赤湖蜀有白干湖
山陽郡有樊梁湖射陽湖津湖新安有白馬湖
常熟有赤山湖下駕湖丹陽湖張昭湖昭封婁
侯又因名婁湖高平湖太傅湖太傅即謝安也
著作簿湖劉南蠻湖侍中湖張侯湖葛塘湖倪

塘湖庾米湖東陽有徐湖宋嘉有蔣公湖自龔
已下謂皆獨擅一湖之利武昌有長湖鄆鄆有
攝湖錢塘有明聖湖淮湖承湖一名詔息湖京
口有醴湖孟佐湖半楊湖龍日湖却亭湖新豐
湖吳興有欣湖武陵有丹坡湖始興有滄湖武
原淪陷爲當湖又有泮湖鑄湖梅湖荊州有大
井湖高沙湖大湓湖馬骨湖支湖波湖赤湖沔
湖鄆縣有鄆湖南康有平湖豫州有芍陂湖南
越有石湖新春有萊蕪湖曲阿有後湖王子年

拾遺記云負嶠山有方湖又東方朔神異經云
涇州有溫湖北方有石湖其水恒冰**龍升**秦州
記云武都郡前有湖義熙初有白龍於湖升天
者**聖明**劉道真錢塘記云聖明湖在縣南父老
相傳湖中有金牛**分風**盛弘之荊州記云官亭
湖廟神甚有靈驗途旅經過無不祈禱能使湖
中分風兩帆南北**銀塘**伏滔云夫差姑蘇臺東
有丹湖萬頃內有銀塘**水冰**神異經云北方荒
外有石湖其水冰**生桑**述異記云恒冲爲江州

刺史乃遣人周行廬山冀覩靈異既陟崇巖有一湖匝生桑樹有大群白鵝湖中有敗編赤鱗

魚石鴈

南康記云平固縣覆笥山上有大湖周

數十里靈果異物皆不可識又有石鴈浮注湖中每至秋天石鴈飛鳴如候時也**地脉**風土記

云陽羨縣東有太湖中有包山山有洞穴潛行地中云無所不通謂之洞庭地脉也**魚忘**莊子

云魚相忘於江湖

藏金

陸賈云舜藏黃金於斲

巖之下指珠玉於五湖之泉以塞邪淫之路

扁

舟徐州先賢傳云勾踐滅吳謂范蠡曰吾將與

子分國而有之蠡曰君行令臣行意乃乘扁舟

浮五湖終不返**鄆**息錢塘記云去邑十里有詔

息湖古老相傳背秦始皇巡狩經塗暫憩因以

詔息爲名**石函**吳志云孫皓時吳郡言臨平湖

邊得石函中有小石青白色刻上作皇帝字改

元爲天璽**鏡湖**晉書云賀知章請爲道士還鄉

里詔許之又求周宮湖數頃爲放生池有詔賜

鏡湖剡川一曲**閭血**淮南子云歷陽之都一夕

反而爲湖歷陽淮南國名昔有老嫗常行仁義
有兩書生過之謂曰此國當沒爲湖視東城門
闔有血便走上山勿反顧嫗數往視闔吏問之
嫗告以故門吏夕殺嫗以血塗闔明日嫗早往
視門血便走上山國沒爲湖徐公東陽記云北
山有湖其下有居民徐公者嘗登嶺見湖水湛
然有二人共博於湖間自稱赤松子安期先生
酌壺酒以飲徐公公醉而寐其側比醒不復見
人宿草攢蔓其上家人以爲死矣喪服三年服

竟徐公方反今其處猶名徐公湖**銅船**劉欣期
交州記云有一湖去合流北四十里至陰日百
姓樵捕見銅船出水上又有牛在湖中**飲馬**王
代史云唐莊宗滅梁馬殷遣子希範脩貢京師
莊宗問洞庭廣候希範對曰車駕南巡洞庭爾
才堪飲馬莊宗嘉之**度空**劉剛云迴艦承派水
舉帆逐分風滉漾疑無際飄飄似度空**迴碧**陰
鏗云洞庭春溜滿平湖錦帆張源水桃花色湘
流杜若香穴去茅山近江連巫峽長帶天澄迥

碧映日動浮光行舟遐遠樹度鳥息危墻滔滔
不可測一葦詎能航

川

灌河

莊子云秋水時至百川灌河**派別**左太冲

云百川派別歸海而會

並流

淮南子云百川並

流不朝海者不爲川谷

有涂

周禮云兩山之間

必有川焉兩川之上必有涂焉

漚通

劉向云四

瀆能通百川於海

九川

史河渠書云禹抑洪水

九川既疏

導滯

國語云禹改釐制度高高下下

疏川導滯**方至**詩云如日之升如月之恒如川
之方至**若濟**書云若濟巨川用汝作舟楫**利涉**
易云利涉大川**壅澤**左傳云川壅爲澤**載潤張**
載云水積成川載潤清**東之**韓愈云障百川而
東之回狂瀾於旣倒**以時**禮云以時入川而不
禁名支莊子云禹治名川三百支川三千**川數**
唐陸典云江河之水自西極達于東溟中國之
大川其餘百三十有五水是爲中川其千二百
五十有二水是爲小川也**滌源**書云九川滌源

九澤既陂**川理**李尋云王道公正修明則百川

理脉絡通**知數**周禮云司書以土地之圖知川

澤之數司險掌九州之圖以周知川澤之阻**不**

防國語云古之長民者不防川不實澤川氣之

導也澤水之鍾也**川衡**周禮云川衡掌施川澤

之禁令而平其守**防民**國語云防民之口甚於

防川川壅而潰傷民必多是故爲川者決之使

導通海楊子云川雖曲而通諸海則由諸**無防**

漢書賈逵云大川無防**獵渭**唐書云玄宗開元

元年十月甲辰獵渭川**川漲**唐書云高仙芝討

吐蕃自安西經疏勒掇婆勒川會川漲阻舟仙

芝救牲祭川乃度**杜固**杜正倫傳云倫與川南

諸杜昭穆素遠求同譜不許御之諸杜所居號

杜固世傳其地有壯氣故世衣冠正倫既執政

建言鑿杜固通水以利人既鑿川流如血閱十

日止**順流**田頴云侯王守方以奉天子譬百川

不朝于海雖狂奔澶漫終爲涸土不若順流無

窮也**分流**成公海云川瀆浩汗而分流**高卑**韓

愈云川者高澤者卑高者流卑者止

溪

注川

爾雅云水注川曰溪山瀆無所通曰溪

赴

溪

家語云東流之水不息行赴百仞之溪也

寒

溪

武昌記云樊山東有小溪夏時居之懷袖恒

有寒氣謂之寒溪

管溪

裴氏廣州記云管溪周

圓丈餘水極沸涌如猛火煎油聲

橫溪

盛弘之

荊州記云桂陽郡西南宿山水出注大溪號曰
橫溪水甚深冬夏不乾俗謂之貪泉飲者輒冒

於財賄**好溪**地理志云處州東十里有惡溪多
水惟宣宗時刺史段成式有善政水惟潛去民
謂之好溪**守雌**老子云知其雄守其雌爲天下
溪**釣璣**尚書大傳云呂望釣磻溪於魚腹中得
玉璣**享華**家語云楚靈王起章華之臺於乾溪
國人潰叛**卑耳**管子云桓公北征孤竹至卑耳
之溪**陸逸**唐史云李白與孔巢父韓準裴政張
叔明陶沔居徂徠山日沈飲號竹溪陸逸**鑿石**
獨孤及云鑿石引泉醜其流以爲溪溪不柔數

丈趣侔江海

泉

冬動

禮記云仲冬水泉動

滌源

書云九州滌源

注滌除泉源無壅塞

原委

文子云泉所出也委

泉所聚也

育穀

漢書溝洫志云泉流灌浸所以

育五穀

泉名

爾雅及詩注云水本曰源源曰泉

正直上出曰濫泉從上流下曰下泉湧出曰潰

泉側出曰洄泉泉所出同所歸異曰肥泉異出

同流曰漢泉

神泉

淮南子云崑崙四水者帝之

神泉以和百藥以潤萬物

酒泉

應劭漢官儀云

酒泉城下有金泉泉味如酒故曰酒泉

溫泉

廣

志云溫泉西者在新豐北者在廣平有美泉出

溉種出穀香美在汲郡

玉女

盛弘之荊州記云

新陽縣惠澤中有溫泉冬月未至數里遙望白

氣浮蒸如烟上下乘映狀如綺䟽又有車輪雙

轆形世傳昔有玉女乘車自投此泉今人時見

女子姿儀光麗往來倏忽

溫泉

圖經云新成縣

有冷泉水冷如冰在湖縣有塩泉煮則爲塩有

醴泉用之愈疾

玉酒

十洲記云瀛洲有玉膏山

出泉如酒味名爲玉酒

赤泉

括地圖云負丘山

上有赤泉飲之不老神宮有英泉飲之眠三百

歲乃覺

玉漿

隋史云鳥鼠山俗呼爲高武隴其

下渭水所出絕壁千仞本之諸羗馬足所踐忽

飛泉湧出人爲之謠因號爲玉漿泉

廬霞

酉陽

雜俎云土門軍有蘆葭泉周二丈深一丈馳馬

千頭飲之不竭

綠水

杜陽編云滄州久視山下

出澄綠水其泉一百步投之金石終不沉沒

盤

龍地理志云元嘉縣有泉泉眼中水交旋如盤

龍或試撻破之尋手成龍狀驢馬飲之皆驚走

粉水又云房陵有清泉土人以爲粉則膏澤芳

潤貢京師因名房陵粉水**靈池**水衡記云靈池

山在翁源縣上有八泉曰湧泉曰甘泉曰溫泉

曰震泉曰龍泉曰玉泉曰靈泉**白雲**吳志云白

雲泉在吳縣天平山白樂天題以絕句范文正

繼作名遂著在吳縣**神井**張衡云余適驪山觀

溫泉浴神井**治井**地理志云天寶六載更溫泉

曰華清宮治湯井爲池環山列宮室**井食**易云

井列寒泉食**流塘**楊雄傳云三王醴泉流具塘

地出禮云地出醴泉**舜德**家語云舜德如泉流

棄井孟子云掘井九仞而不及泉猶爲棄井也

泉源國語云泉原以資之注資財也山爲泉源

流而不竭又荀子云貨財渾渾如泉源**醴泉**呂

氏春秋云太公釣於茲泉**不飲**尸子云孔子過

於盜泉渴矣而不飲**酌飲**晉書云吳隱之性廉

擢廣州刺史界有一水謂之貪泉古老云飲此

水者廉士皆貪隱之始踐境先至水所酌而飲之因賦詩以言志若使齊夷飲終當不易心清操愈勵

上善

唐地理志云坊州州郭無水東北

七里有上善泉開成二年刺史張怡架水入城以紆遠汲四年刺史崔駢增修之民獲其利後思之後立祠

石蓮

明皇雜錄云上於華清宮新

廣一湯池制度宏麗祿山於范陽以玉魚龍鳧鴈石梁石蓮花獻雕鐫尤妙上大悅命陳於湯中仍橫石梁其上蓮花繞出水際上解衣將入

而魚龍鳬鴈皆奮鱗舉翼狀若飛動上恐却之

枯榮

漢宣帝詔云醴泉湧流枯槁榮茂

愈疾

漢

光武本記云京師醴泉湧出飲之痼疾即愈

長

湯

開元遺事云華清宮中除供奉兩湯外別有

長湯十六所墳御史之類浴焉

湧流

唐史云安

金藏年神龍初葬毋營石墳晝夜不息地本枯

燥泉忽湧流

瀑泉

南部新書云司空圖舊隱三

峯泉石之莢冠於一山北巖之上有瀑泉流注

中國灌良田數十頃至今子孫猶爲司空

聖水

楊師晟傳云師晟督師次方渠水乏有青蛇降
下走視其跡水從而流使築防環之遂爲停淵
士欽仰足有詔置祠命泉曰聖水**賜浴**唐史補
云安祿山入朝楊國忠兄弟姊妹延之新豐給
玉食至湯泉將校皆賜浴**舒姑**宣城記云臨城
縣南四十里有蓋山百許少有舒姑泉昔有舒
氏女與其父析薪於此女因坐牽挽不動乃還
告家比還惟見清泉湛然女母曰吾女好音樂
乃作絃歌泉涌回流有朱鯉一雙今人作樂泉

故湧出

三泉

又云夷道縣句將山有三泉傳云

地本無水居者皆苦遠汲有乞人至醜貌瘡痍
村人穢惡之無相顧者惟一貧女獨加哀矜割
飲食之乞人曰感姬行善欲思相報爲何所須
女荅曰願此山下有水可汲然非君所能辨乞
人笑取腰中刀刺山下三處飛泉湧出因便辭
去

出庭

孝子傳云宋思禮爲蕭縣簿會大旱井

池涸疇羸疾非泉水不適口思禮憂懼且禱忽

有泉出諸庭味甘寒日不乏汲縣人異之

沈泉

詩云有冽洸泉無浸獲薪**有成**詩云泉流既清
召伯有成注召伯營謝邑通其水泉之利**無飲**
詩云無飲我泉我泉我池**流湛**詩云泌彼泉水
亦流于淇**微液**楚辭云吸飛泉之微液**溫灑**曹
植云尋曲路之南隅觀秦政之驪墳哀黔首之
罹毒酷始皇之爲君濯余身于神井偉溫濟之
若焚**涇液**張平子云漱飛泉之涇液**漱玉**陸士
衡云山溜何泠泠飛泉漱鳴玉**紅泉**謝靈運云
銅陵映碧澗石磴瀉紅泉靈運又云飄丹砂於

紅泉

蕩邪

左太冲云温泉赴涌而自浪華清蕩

邪而難老

暄波

劉義恭云秦都壯温谷漢京麗

湯泉炎德潛遠液暄波起茲源

温谷

楊思玄云

豐城觀漢迹温谷幸秦餘地接幽王壘涂分鄭

國渠風威肅文衛日彩鏡雕輿遠岫凝氛重寒

叢樹影踈迴瞻漢章闕佳氣潜

川德

王褒云

挺此温谷驪丘之陰白禁上徹丹砂下沉華清

駐老飛流瑩心谷神不死川德愈深

吐溜

潘安

仁云泉涓涓而吐溜

湯溜

孫興公云石泉湧溜

於陰渠暖溜唐高宗云溫渚停仙蹕豐郊駐曉
旌路曲迴輪影巖虛傳漏聲暖溜驚湍駛寒空
碧霧輕林黃疎葉下野日曙霜明眺聽良無已
煙霞斷續生玉寶權德輿云噴若玉寶泄爲瑤
池靜如醍醐瑩若琉璃滑德張九齡云沉精降
液下爲靈泉清德之自潔韓愈云濯清泉以自
潔

池

靈沼

詩云王在靈沼於物魚躍又廣雅云沼池

也漚麻詩云東門之池可以漚麻金隄地理志

云南蠻驃國有二池以金爲隄良金杜楊編云

滄州有良金池方數里水石沙泥皆如金色昭

韓詩外傳云齊景公出弋昭華之池文石杜

陽編云元載芸暉閣前有池悉以文石砌岸中

有蘋陽花亦類白蘋其花紅大如牡丹更有碧

芙蓉魏徵傳云帝宴群臣積翠池酣樂賦

詩徵賦西漢滇池華陽國志云滇池縣有澤水

周迴二百里所出深廣下流淺狹似如倒流故

俗曰滇池長老傳言池中有神馬與家馬交則生駿駒世謂滇池駒日行五百里

高陽

襄陽記

云峴山南習家有大魚池依范蠡養魚法種芙蓉菱芡山濤曰此我高陽池也城中小兒歌之曰山公何所往來至高陽池日夕倒載歸酩酊無所知

肄師

魏志云太祖還鄴作玄武池以肄

舟師潘岳亦云肄水師於荒服肄習也

樂池

穆

天子傳云天子西征休於玄池之上三日乃奏

廣樂而歸是曰樂池

瑤池

又云天子觴西王母

於瑤池之上

昆明

漢書云昆明池漢武帝元狩

三年所穿又三輔黃圖云昆明池中有靈沼名
神池云堯時治水嘗停舸於此池又云上林苑
有昆明池中作戈艦樓艦數百艘可戰萬人上
起官室因欲遊戲養魚以給祭祀又云池中有
豫章臺刻石爲鯨魚雷雨作魚常鳴吼一說甘
泉宮南有昆明池中有靈波殿皆以桂爲殿柱
風來自香關輔古語云昆明池中有二石人立
織女牽牛於池之東西以象天河張衡西京賦

云昆明靈沼黑水玄址牽牛立其右織女立其
左今有石父石婆神祠在廢池邊疑此是也又
曹毗志惟云漢武帝鑿昆明池極深悉是灰墨
無復常土舉朝皆不解以問東方朔朔曰可問
西域胡人帝以朔不知更不移問復至明帝時
外國有道人至洛陽時有憶方朔言者試問之
道人曰天地將盡則劫燒此劫灰也

太液

三輔

黃圖云漢太液池在長安故城西建章宮北未
央宮西南太液者言其津潤所及廣也關輔記

云建章宮北有池以像北海刻石爲鯨魚漢書
云建章宮北治大池名曰太液池中起三山以
像瀛洲蓬萊方丈刻金石爲魚龍之屬廟記曰
建章宮北池名太液周圍十頃有採蓮鳴鶴之
舟三輔田事云日出暘谷浴於咸池至虞淵即
暮此池像之也昭帝始元元年春黃鵠下建章
宮大液池武帝嘗以秋日與趙飛燕戲於太液
池以沙棠爲舟以雲母飾於鵠首又刻大桐木
爲虬龍彫飾如真雲舟以紫桂爲柁棹及觀雲

棹水玩櫚菱藻帝每憂輕蕩以驚飛燕命人以
金鎖攬雲舟於波上每輕風時至飛燕殆欲隨
風入水帝以翠縷結飛燕之裾常恐曰妾微賤
何復得結裾之遊今太液池尚有避風臺即飛
燕結裾處

池名

三秦記云秦始皇作長池張渭

水東西二百里南北二十里築土爲蓬萊山刻
石爲鯨魚長二百丈秦又有蘭池鎬池穆天子
西征有玄池瑤池與西王老晏所漢未央宮有
滄池中築漸臺王莽死其上漢上林有池十五

所承露池昆靈池天泉池上有連樓閣道中紫
宮戟子池龍池魚池牟首池荊池菡鵲池西陂
池當路池東陂池太乙池龍首池積草池池中
有珊瑚高丈二尺一本三柯四百六十條尉佗
所獻號曰烽火樹檠池舍利池百子池七月七
日臨百子池作于閨樂樂畢以五色縷相霸謂
爲連愛東漢有九龍池御龍池靈芝池白石池
濯龍池天泉池魏在鄴有淶水池瓊華池䟽圃
池玄武池靈芝池在洛有天泉池池中築九華

瑩流棧池幽泉池陰流池鳴鶴池吳有太子池
孫權子和築至晉明帝呼爲太池晉有舍利
池都亭池靈芝池濛汜池張載作賦者替靈池
淶池東晉有清游池流杯池宋有天泉池華林
池池有雙蓮同幹芙蓉異花帶後梁靈泉池後
魏鴻鴈池流化池後燕清涼池前梁閑豫池池
有龍影五彩遂鑄銅龍於其上南燕申池赫連
勃勃淶連池大梁蓬池襄陽有習氏池荊州有
蔡子池臨沅縣有明月池益州有萬歲池天井

池千秋池雙龍池邛池洛州有千將池華曲池
於潛有蛟龍池**洗耳**逸士傳云堯讓天子於許
由由逃巢父聞之洗耳於池**酒池**古史云紂爲
酒池肉林又張蘊古云惟狂罔念丘其糟池其
酒草池謝靈運傳云靈運在西堂苦吟未就忽
夢惠連即得池塘生春草之句大以爲工**得珠**
渚岳關中記云漢武習水戰於昆明池人釣魚
綸絕而去夢於帝求去其鈎明日帝戲於池見
魚御索帝取其鈎放之間三日復游池濱得珠

一雙帝曰豈非昔魚之報**觀池**唐史云太平公
主始作觀池樂葺原以爲盛集旣敗賜寧壽岐
薛四王都人歲祓禊其地**作樂**天寶遺事云唐
慶隆坊南地變爲池中宗常泛舟厭其祥帝即
位作龍池樂**落妃**楊妃外傳云妃生於蜀常誤
落池中後人呼爲落妃池**凝碧**明皇雜錄云祿
山犯關王維等數人爲賊執一日逆黨會飲凝
碧池以梨園數百人奏樂維聞賊詩萬戶傷心
生野煙書于壁賊平維以此詩得免**水府**五代

史云雷滿據朗州嘗鑿深池於府中客有過者
召晏池上指其水曰蛟龍水惟皆窟于此蓋水
府也酒酣取坐上噐擲池中因裸而入取其噐
嬉水上久之乃出治衣服坐意氣自若**玄池**張
衡云乃有昆明靈治黑水玄池日月於是出入
像扶桑與濛汜**升鱗**班固云授緇文皓質於郊
升黃輝采鱗於沼**浮鵠**司馬相如云怠而後游
於清池浮文鵠**清鑑**張平子云中則洪池清鑑
綠水澹澹**初燼**唐太宗云石鯨分玉溜**初燼**隱

平沙柳影水無葉梅心凍有花寒埜凝朝霧霜
天散夕霞歡情猶未極落景遽西斜
神池李百
樂云神池望不極滄波接遠天儀星似河漢落
景類虞泉年深平館宇道泰偃戈船差池下鳧
鴈掩映生雲烟浪花開已合風文直且連
幔城
沈佺期云法駕乘春轉神池象漢回雙星遺舊
石孤月隱殘灰戰鷄逢時去恩魚望幸來岸花
緹騎遶堤柳慢城開思逸橫汾唱歡流宴鑄杯
微臣影朽質羞覩豫章財
連艦柳宗元云爲堂

東池上堂成而盛益奇望之若連艦如波上下

淵

水塞

李蕭遠云水通之斯爲川塞之斯爲淵不

流

管子云水出地而不流者命之曰淵積水荀

子云積水成淵蛟龍生焉

物生

管子云淵者衆

物之所生也能深而不能涸則沉王至

或躍

易

云或躍在淵

或潛

詩云魚在於渚或潛在淵居

上

太公石匱云黃帝居人上惴惴若臨深淵若

墮

書云成湯慄慄危懼若將墮于深淵時出中

府云溥博淵泉而時出之溥博如天淵泉如淵

雷聲

莊子云聖人懼默而雷聲求濟書云若涉

淵水予惟往求朕攸濟

取日

狄仁傑云取日虞

淵洗光咸池

民心

唐史云民心猶水壅則爲淵

流則爲川

龍躍

班固云漢高光二聖時至氣動

乃龍見淵

躍深

孔明云高帝謀臣淵深儒林

漢書成帝紀云帝詔太學流化天下儒林之官

四海淵源

賊出

第五琦傳云唐兵賊所出以江

淮爲淵

育鱗

陸士衡云佇重淵以育鱗

蛟躍

張

景陽云黑蜨曜重淵**深靚**賈誼云澹乎若深淵
之靚**仁義**蔡邕云休息乎仁義之淵**園納景**納
景于虞淵

澗

山間

釋名云澗間也言在兩山間也**夾水**說文

云澗山夾水也從水間聲又爾雅云山夾水曰

澗采繁

詩云于以采繁于澗之中**斯干**詩註云

澗也斯干宣王考室也**考槃**詩云考槃在澗碩

人之寬

只尺

韓愈云澗谷之水深不過只尺

喻

法韓宣子云董安于爲趙上地守行石阜山見
深澗峭如墻深百丈問其鄉左右曰人嘗有入
此乎曰無有有嬰兒狂孽人入此乎曰無有牛
馬犬入此乎曰無有安于歎曰使吾法無改猶
入澗必死則民莫之犯也**廣武**漢書云沛公與
藉臨廣武澗而語數藉以十罪**垂控**異苑云符
堅爲慕容冲所襲堅馳驅馬墮而落澗追兵幾
及計無由出馬即踟躕臨澗垂控與堅堅不能
及馬又跪而授焉堅遂得登岸而走**金谷**石季

倫云余有別廬在河南界金谷澗中或下有清
泉茂樹衆果竹木草藥之屬**厲急**謝靈運云過
澗既厲急**亘石**柳宗元云亘石爲底逶于兩涯
水平布其上流若織文響若操琴

潮

潮汐談文云朝曰潮汐曰汐**水合**抱朴子云天
河從北極分爲兩條至於南極其一經東斗中
過兩河隨天轉入地下過而下水相得又與海
水合三水相蕩而天轉之故激湧而成潮**大小**

抱朴子云潮汐者一月之中天再東再西故潮
水再大再小又夏時日居南宿陰消陽盛而天
高一萬五千里故夏潮大冬時日居北宿陰盛
陽消而天卑一萬五千里故冬潮小春日居東
宿天高一萬五千里故春潮漸起也秋日居西
宿天卑一萬五千里故秋潮漸減也沓潮沓禹
記云早潮下晚潮上兩水和合謂之沓潮陵山
沓禹記云濤水者潮取物多者其力盛來遠者
其勢大今潮水從東地廣道遠陵山觸岸從直

赴曲其勢不泄故涌起成濤陽侯廣雅云陽侯

濤大波神也

潮候

臨安志云一日子時二日子

末三日丑時四日丑末五日寅時六日寅末七日卯時八日卯末時有交變氣有感衰而浙潮之所至亦因而建酉之月則陰陽之交氣以交而盛故潮大異於餘月朔望之候則天地之變氣以變而盛故潮大異於餘日

數九

酉陽雜俎

云數九生江海邊如彭蠡取土作九數至三日則潮至人以爲候因名數九

維亢

風土記云

魚長數千里穴居海底魚入穴則潮上出則潮
退出入有節故潮水有期辨濤王充論衡云儒
書言吳王夫差殺伍子胥煮之於鑊盛以囊投
之於江子胥惠恨臨水爲濤以弱殺人夫言吳
王殺子胥投之於江實也言其惠恨臨水爲濤
虛也且衛俎子路漢烹彭越子胥之勇不過子
路彭越然二人尚不能發怒於鼎鑊之中胥亦
自先入鼎鑊後乃入江在鑊時其神豈怯而勇
於江水哉何其怒氣前後之不相副牛魚博物

志云東海中有牛魚其形如牛剥其皮懸之潮

至則毛起潮去則伏

潮神

臨安志云吳王賜子

胥死盛其屍以鷁夷之革浮諸江子胥揚波乘

潮蕩激隄岸或見白馬素車在潮頭因立廟焉

歲仲秋日潮極大人以旗鼓逐之因遂爲弄潮

之戲

弩射

吳越備史云梁開平中武肅王錢氏

築捍海塘於候潮通江二門外潮水衝激版築

不就因命強弩數百射潮頭又致禱於胥山祠

潮水乃避錢塘東擊西陵遂成隄岸

觸天

柳宗

元云濤波之旋滔水觸天日激文粹云日傳于
天天右旋入海而日隨之水因其灼激而退于
彼必盈于此則潮之往來不足恠也日激水而
潮生月離水而潮大地浮於水天在水外日入
則晚潮激於左日出則早潮激於右王穴姚合
云樓有章亭號濤來自古今勢連滄海澗色比
白雲深怒雪驅寒氣狂雷散大音浪高風更起
波急石難沉鳥懼多遙過龍驚不敢吟坳如開
玉穴危似走瓊岑但褫千人魄那知伍相心岸

推連古道州漲路叢林跳沫山皆濕當江日半
陰天然與禹鑿此理遠難尋

井

益作

淮南子云伯益作井而龍登玄雲神棲崑

崙注龍恐害故登雲去棲其神於崑崙**清****潔**釋

名云井清也泉之清潔者也**通用**易傳云井通

也物所通用也**法節**風俗通云井者法也節也

言法制君人令節其飲食無窮竭也**二舍**墨子

云二舍共一井**八家**說文云八家爲井**改水**續

漢志云夏至日浚井改水**不窮**易云巽乎水而
上水井養而不窮也**無損**李尤云多取不損少
取不盈執憲若斯何有雅傾**先竭**莊子云直木
先代甘井**先竭****不改**易云改邑不改井**淵為**爾
雅云井一有水一無水為淵**為**辨義易云井以
辨義注施而無私義之方也**勿幕**易云井收勿
幕**為田**淮南子云解門為薪塞井為田雖有小
利所喪大矣**輓轆**說文云輓轆井上圓轉木收
綆者也**短綆**荀子云短綆不可以汲深之泉**挈**

壺

周禮云挈壺氏掌挈壺以令軍井注爲軍穿

井成挈壺懸其上令士衆知之

王檻

山海經注

云崑崙墟在西北帝之下都高萬仞面有九井

以王爲檻

生子

後漢書云東沃沮耆老言海中

女國有神井視之輒生子

興霧

陳留風俗記云

雍丘縣夏后祠有神井能興霧電

司命

廣州記

云麟林郡有古井名曰司命井

潛壺

荊州記云

江陵縣有天井臺東臨天井井周二里許中有

潛室人時見之輒有兵革

鳥巢

異苑云蘭陵華

山有井鳥巢其中金翅而黑色見則大水井不可窺窺者盈藏輒死**酒泉**漢書云武帝立酒泉郡郡中有井水色白有酒氣故名焉**雀乳**傳玄云巢巢丘城側雀乳空井中居不附龍鳳嘗畏蛇與蟲**銅人**南康記云雩都盤固山其峯有井大銅人常守之五十年一涌水起數十丈銅人每以手掩之**異井**異苑云臨邛縣有火井漢室之盛則赫熾桓靈之際火勢漸微諸葛孔明一窺而更盛至景曜元年人以燭投即滅其年蜀

并於魏又洞冥記云長安東有雲山山頭有井
雲從中出若土德王則黃雲出火德王則赤雲
出水德王則黑雲出金德王則白雲出木德王
則青雲出又荊州記云風井夏則風出冬則風
入又云益陽縣有金井數百古老傳有金人以
杵擊地輒傾成井意者疑是金人採金謂之金
井漢書云蜀多鹽井羅襃以鹽井富後漢書瑯
琊有冰井厚丈餘又瑞應圖云王者清淨則浪
井出廣志云臨邛有粉井得水汰井則益光嵩

高記云少室山有雲井井出雲外又異苑云句
容縣有延陵季子廟廟前井水恒自沸涌因名
沸井又風土記云有石井冬溫夏涼名靈井又
典畧云有泉自出不鑿而成名浪井**視星**尸子
云井中視星所見不過數星自丘上望之則見
其始出非明益也勢使然也**埴蛙**莊子云埴井
之蛙謂東海鼃曰吾跳梁井幹之上入休缺甃
之涯埴井之樂亦至矣奚不來觀乎東海之鼃
左足未入右膝已繫**谷射**易云井谷射鮒甕敝

漏**自穿**

荊州記云隨郡重山有穴傳云神農所

生地有九井云神農既有九井自穿

鑿飲

通曆

云堯時有老人鑿壤於路曰日出而作日入而

息鑿井而飲耕田而食帝何力於我哉

夷竈

左

傳云楚晉戰於鄢陵伯州犁侍于三後王璫晉

師曰甚霑且塵上矣何也曰將塞井夷竈而行

也**茅經**

左傳云楚子伐蕭蕭大夫還無社與楚

申叔展言展曰目於笱井而出之苦爲茅經哭

井則已明日蕭潰申叔視其井則茅經存焉號

而出之**獲羊**國語云季桓子穿井獲一土缶中

有羊焉使問仲尼對曰木石之怪夔魍魎水之怪龍罔象土之怪曰羝羊又韓詩外傳云魯哀公穿井得土羊公懼孔子問之見公曰臣聞水之精爲玉土之精爲羊是羊肝必土殺羊視之果然**得人**呂氏春秋云宋丁氏家無井常一人出汲及穿井告人曰吾穿井得一人聞於宋君君令人問之丁氏對曰得一人使非得一人於井也**抱甕**莊子云子貢過漢陰見一丈夫方將

爲圓畦鑿隧而入井抱甕而出灌子貢曰有械
於此後重前輕汲水若抽名曰桔槔日浸百畦
用力寡而見功多子不欲乎園者曰有機事必
有機心機心存乎胸中則道之所不載也**投轄**
漢書云陳遵嗜酒每飲客賓取轄投井中雖有
急終不得去**井**漢書云耿恭居疏勒匈奴攻
城絕其水源穿井十五丈無水恭曰聞二師將
軍拔刀刺山飛泉湧出今漢德神明豈有窮哉
乃整衣冠向井再拜請祈有頃泉出**井****蛙**後漢

書云隄噐使馬援往觀公孫述於蜀援與述有舊以爲當握手如平生而述盛陳陞衛以延援援曰公孫不吐哺走迎國士乃修邊幅還謂噐曰子陽井底蛙耳設噐高士傳云管寧所居七落會汲男女錯雜爭井喧鬧寧患之乃多設噐分井旁汲以待之懸鞭王隱晉書云上黨鮑陸家多凶喪淳于智謂之曰居安宅不利可至市門有人賣新馬鞭者亟買還懸舍東北大樹當暴得財陸承言詣市得馬鞭懸之後三年井中

得錢數萬

鎮河

廣記云賈耽鎮滑臺城北鑿八

角井以鎮黃河於是潛令人伺之果有老父至
問曰誰人鑿此井曰賈君老父曰大妙但近東
近西近南北耳耽問之曰井太大也**得鍾**晉書
云元帝大興初會稽人於井中得一鍾上有古
文十八字郭璞曰王者之作必有靈符**綠珠**嶺
表異錄云綠珠井在白州雙角山下昔梁氏之
女有容貌石季倫以真珠三斛買之耆老傳云
飲此水者誕女必多美麗閭里以美色無益得

時遂以巨石鎮之邇後雖產女端嚴則七竅四
體多不完具**夷退**晉書云阮瞻嘗郡行冒熱渴
甚逆旅有井衆競趨瞻獨逡巡在後須臾飲者
畢乃進其夷退無競如此**療疲**桂楊列仙傳云
蘇耽謔母曰有賓來會耽當仙去來年疫癘庭
中井水井邊橘樹可以代養後果大疫母以井
水一升橘一枝療病病輒愈家大裕**賦井**唐書
云白居易拜左贊善俄有言居易母墮井死居
易賦新井篇言浮華無實行出爲州刺史**歎聲**

唐五行志云天后時來俊臣家井中夜有嗟吁
歎怨聲**生涼**雲林異景志云霍仙鳴別墅在龍
門一室之中開七井皆以雕鏤木盤覆之夏月
坐其旁七井生涼不知暑氣**井漲**酉陽雜俎云
張希復授新州將拜相井忽漲才深尺餘**得砂**
抱朴子云余祖嘗爲臨沅令邑民多民壽考疑
其井水珠赤試掘之左右得古人埋丹砂數十
斛是以飲其水而得壽**錢飛**列仙傳云葛仙翁
投錢於井呪則飛出**銀牀**古歌云後園鑿井銀

作牀金甌素纈汲寒漿僵古詩云種桃露井上
李樹生桃傍蟲來食桃根李樹代桃僵變相魏
明帝云雙桐生空井枝葉自相加通泉侵其根
玄雲潤其柯穿井王彪之云考五材之物化寂
冥感而資淨水帶地而漿潤月流天而霄烟燧
鑽木而發火益穿坤而構井引泉江適云惟大
朴之既判兮聖人務以表靈演八卦以極用兮
運五材以贊生鑽丹暉於金石兮引黃泉乎杳
冥巽下木而鼎立兮木上水而井成開深范雲

云因舊未嘗改緣甘故先竭歷稔久無禽一朝
見開滌泌泉旣斯涌短纒將焉設已獲丁氏利
方見管公綵**泥**謚孔寧云天高聽卑載厚流謙
揮鋒旣擊跪拜亦霑惟益有作德遠事燕明主
用汲人具爾瞻**澄**澈蘇味道云玲瓏映玉檻澄
澈瀉銀牀流聲集孔雀帶影出墳羊桐落秋蛙
散桃舒春錦芳帝力終何有機心庶此忘**鑒泉**
柳宗元云鑿泉以井飲

冰

陰凝

易云履霜堅冰至又云履霜堅冰至陰始

凝也

陰鑒

韓詩云說冰者窮谷陰氣所聚不洩

則結而爲冰

冬壯

禮記云孟冬之月冰始凍仲

冬之月冰益壯地始拆

水堅

說文云冰水堅也

積陰

漢書晁錯云胡貉之地積陰之處水皮三

寸冰厚六尺

風合

述往記云北土涉寒下雨勁

風鼓之不得流便冰合合便厚數尺

始結

禮云

孟冬之月水始冰地始凍仲冬之月冰益壯

凌

陰

詩云二之日鑒冰冲三日納于凌陰二日夏

之十二月三日夏之正月鑒取冰冲冲聲貌凌陰冰室也**春經**淮南子云夫水向冬凝而爲水迎春則釋而爲水施易乎前後**朝觀**左傳云古者日在北陸而藏冰西陸朝觀而出之其藏也黑牡秬黍以享司寒其出也桃弧棘矢以除其災注十二月日在虛危春分之中奎星朝見東方**風壯**左傳云水以風壯而以風出其藏之也周其用之也徧則冬無愆陽夏無伏陰人不夭**扎冰凌**風俗通云積冰曰凌冰壯曰凍冰流曰

澌米解曰泮**當**日魏子云居危殆之國治不善
之民是猶薄冰當白日藁毛遇猛火**象玉**曹植
云素冰象玉難可磨蕩結土成龍遭雨則傷**不**
璫抱朴子云玉不染而堅冰不璫而朗**凝冰**淮
南子云見一葉落知歲之將暮睹甌中冰知天
下之寒以近諭遠也**魚上**禮記云立春後十日
魚上冰**負重**鄧析云明君之御民若乘奔而無
轡負冰而負重**凝池**束皙云薄冰凝池非登廟
之寶零露垂林非綴旒之飾必將採素璧於層

山探圓珠於重泉**取火**博物志云削冰令圓舉以向日以艾承其影則有火出**斲冰**楚辭云重棹兮蘭拽斲冰兮積雪王逸注曰遭天盛寒斲砍冰凍紛然言以勤苦**冰蚕**王子年十遺記云東海員嶠山有冰蠶長七寸有鱗角以霜雪覆之始爲繭其色五綵織迴文錦入水不濡入火不燎**夏蟲**莊子云夏蟲不可以語於冰者鷦於時也曲士不可以語於道者束於教也**夕飲**莊子云朝受命而夕飲冰我其內熱歟**懸鼠**東方

朔神異經云北方有冰萬里厚百丈鼯鼠在冰
下土中毛長八尺可爲褥却寒**尺冰**論衡云燃
一炬火爨一鑊水終日不熟倚一尺冰至庖厨
中終夜不寒何則爲小之感不能動大也今鄒
衍之嘆不過如一炬尺冰而皇天巨大不徒鑊
水庖厨也一夫仰嘆天爲降霜何天之易感霜
之易降也**寒井**庾儵云余宅近南城有冰井方
夏之月乃攜友生登而遊從彷徨徘徊凜其以
寒乃作寒井賦**狐聽**述征記云狐聽冰河水無

辟狐方行**宣陽**陸機洛陽記云米室在宣陽門

內天子用賜王公衆官**雲臺**戴延之西征記云

凌雲臺有米井延之以六月持去經日猶堅**農**

起家語云霜降而婦功成娶者行焉米泮而農

祭起婚禮後焉**夏頒**周禮云凌人夏頒冰注云

賜群臣**祭韭**詩云四之日其蚤獻羔祭韭謂開

冰也**占饑**左傳云春無冰梓慎曰今茲宋鄭其

饑平陰不勝陽也**烏翼**史記云姜嫄爲帝嚳元

妃出見巨人跡而履之身動如孕暮而生子以

爲不祥棄於冰上鳥以翼覆之**五寸**晏子春秋

云景公伐魯得東門無澤問曰魯年穀何如對

曰陰不凝陽厚五寸寸者寒溫節也寒溫節則

政平政平則年穀熟請禮魯以息怨**冬抱**吳越

春秋云越王欲復吳怨苦思勞心夜以接日冬

寒則抱冰夏熱則握火愁心苦志懸膽於戶出

人嘗之不絕於口**河合**東觀漢記云光武自邯

鄲避王郎兵南至豐曲陽吏言渚沱河流漸無

艍不可渡左右皆怖上令王霸前視之實然霸

念還言驚衆且白曰冰堅可渡上大笑曰果妄

言也比至河冰已合上乃渡水畢數車冰陷

剖

冰孫盛雜語云王祥字休徵性至孝後母苛虐

養無怠寒月母思鮮魚祥脫衣將剖冰求之冰

忽解下有魚出因以奉母

凌海

晉書云慕容皝

上書曰正月十三日躬征郭遠假陛下天地之

威將士竭命精誠感靈海爲冰凌海行三百餘

里

給葬

八王故事云汝南王葬詔賜冰五斛

并

冰續漢書云靈帝元和六年冬大寒北海東祭

琅邪井中冰厚尺餘者也**層冰**楚詞云魂兮歸

來北方不可以止增冰戔戔飛雪千里**泉沍**張

衡云行積水之皚皚清泉沍而不流**朝食**謝靈

運云樵蘇無夙飲鑿冰煮朝食悲矣采薇唱苦

哉有餘酸**成凌**庾儵云孟冬之月群陰畢升霜

雪紛其交紛兮沝波結而成凌啓南墉之重隩

兮將去熱以藏米山人是取縣人是承納幽宮

之邃宇兮靜恬淡以清徵抱堅精之玄素兮發

川靈而長嘒**玉壺**鮑照詩云直如朱絲繩清如

玉壺冰激素司馬彪云烈烈玄飈起粲粲繁霜
凝勁風迴白雪長川激素冰陰潭沈君攸云日
華照水彩灼爍自相明陰潭欲半解陽岸已全
輕未釋苔文隱將銷草氣生稍得觀魚上非獨
見狐驚儻逢魏后術當驗可爲成